

**RIPOTI I BOARD U NKST FOUNDATION MKAR HII 1ST OCTOBER 2022
ZAN ZAN 30TH SEPTEMBER 2023 I ZAN HEN SINODI U NOVEMBER 2023
SHA ZWA U DIRECTOR, REV. TERLANGA NONGO.**

ISHUGHUN

Ishughun yase ngi zan hen Aondo Ter wase, Un u A gbe sha man tar man se kua ior mbagen jimin cii. M ngu sughun komoti u Sinodi sha hemen u president wase u he man mbadondon un cii.

ALEGH A BOARD U FOUNDATION

Rev. Chief J T. Tor-ruam	Chairman
Rev. S T. Mnenga	Member
Rev. S S. Unom	Member
Rev. S T. Igyor	Torikpa u NKST, Member
Hon. Anande Hiim	Community Representative
Orv. Ort. S S. Kor	Member
Atese J M. Makpum	Kwase Hemen u NKST
Mrs. Nwanchukwu, Judith	Social Welfare Representative
Rev. Terlanga Nongo	Director/Secretary.

Se va zua alegh a board wase ne ahe sha 6/1/2023 ne sha hemen u Rev. Chief Jacob Ternenge Tor-ruam er m vande teren sha nahan. Se mba eren tom ken mzough tsebelee je. Se sugh Aondo sha tom na.

MANAGEMENT U NKST FOUNDATION

1. Director:- Rev. Terlanga Nongo
2. Tom inyar; - Mrs. Doreen M Kaso
3. Stores: - Mr. Samuel Iorbee.
4. Auditor: - Mr. Samuel Mson Ende
5. Ungo: - Mama Mkeghave Aondovenda.

Se Mbahemenev mban cii mba nyoron management meeting sha hanma wer sha iyange i tomatar. Sha iwasen i Aondo yo, se mba ken mzough dedoo sha mzehemem u ijiir tom ne.

AVEGHER A TOM AGEN MAN MBATOMOV MBA FOUNDATION

Cook.1, Laundry.2 Driving.1, Cleaners.3, Security.2, Office Assistant.1, Typist.1, Accounts.3, Receptionist 1, Store.1, Ungoov 4, Atica 5 man Director 1.

Avegher a tom nga, 12 man Mbatomov mba Foundation 26. Yange Mrs. Nguungwan Igbawua yange kaa er se too atica ataan sha ciu makeranta kpa a kimbi di nyiom imom tseghe man ade, nahan se mba nongon a ve kimbin sha er tom ve la u se a iwasen kpishi yo.

UNGOOV MAN MBAYEV

-Ungoov; mba 4

-Mbayev mba se per ami ken 2023 cii yo – 43

- Se ngohol mbayev- 6

- Kohol cii ve lu = 49

-Mba yemen ken ajiir ave - 5

-Mbayev mbashin her- 44

-Mbasaan ku – 0

SEX----- Male 23, Female 21

IYOUGH ADUA I FOUNDATION

Iyoughadua yase lkpa ngi zanhemen her,se mba civir Aondo sha ashie a iver la cii dedoo.

Ka Ort. Philip Iorwashima Ayoo a lu Ortamen wase man ashe a NKST Mkar Central hen iyou adua yase ne ye. Wen man Director kua mbahemenev se mba ken mzough kpishi je.

Se mba eren Adua a mbayev Pepe man tugh cii. Mbayev asev mban mba eren MIM, GB, BB man Atsam cii.

MZEHEMEN

Church yase kpa se pande se maa. Yange Director wa ahuraior ana mbaadua hen church ne ve va er mbaadua shi ve na se nyaregh sha ci u maan church. Nahan hii January zan zan September ve hila na se inyaregh kuma N470, 000, 00. Kohol cii kua nyaregh ki church yo, se er tom u maan church veren sha iaven ne kuma N2, 104, 000, 00.

Sha Iwasen I Aondo yo, ka hiin je mbayev ve er batisema hen ijiir yase ne. mbayev er baptism kuma unyiin (4) Ati ve yo ka:- Aershimana, Ngodoo, Nguvan man Aondoakura.

Se yam ve mbaajo mba kuhan utar (3)

MAKERANTA

Makeranta wase ne or u hemen heregh ka Princess Helen Shember, wen man Assistant na Mrs. Erdoo Agbaingya mba nongon tsembelee man sha gbashima kpishi je sha u nengen er atica a ahira lu la di tso yo, a tesen mbayev kwagh vough vough. Atica nga 7, shi se seer ve atica 5 mbayev makeranta hira mba deri uhar man uahar (202) hegen. Nomso 103, mbakasev 99.

MZEHEMEN

Classroom block man ahungwa a yange mpase mer, se pine gomna nyiom I bee la kpa se maa hengen bee, shi i haa akaateman ker cii, mbayev mba nyoron makeranta ker hegen.

YA U DIRECTOR

Ya u Director kpa se mba nongon ami zan hemen u soron.

MZEHEMEN

Ya u Director kpa se shi se pande se sor nahan: - se sor kitchen ker se mande kitchen cabinet ker cii shi se paint, shi se sor se paint ihungwa ken ato kpa.

Zaiyol heen yo, iyou shon shi hede ngi noon ura ker.

MATO

Ken mbee August ne yange moto wase ne va vihi gear, se mba soron gear cii shi knock engine kpa se sor hegen ngu zenden sha dedoo kpa se vee ishima u teen er yange Trustee na ian nahan.

FENCE

Tom fence ne kpa a utile ngu er yange kighir nahan. Kpa hen ne yo Ministry I women affairs and Social Development kaa er hanma Orphanage cii a maa fence cica.

YOUGHCI I FOUNDATION

Iyoughci yase ne ngi zan hemen sha mlu wase ne heregh, Ortwer her ka, Mama Atese Orngu man Mrs. Magdalene Ada. Mban ka mbatomov mba local Government atindi sha u wasen se hen ijiir yase ne yo.

MZEHEMEN

Ken wer u July yange Director u APIN va a mbatwewev va er se mbayev twer shi na se icigh kpishi. Se wuese Aondo.

KITCHEN

Heen ne ka Mrs. Seember Abenga yange lu tyough shami ye. Kpa hegen se hira tile u yoron shami sha ci u yange se soo u Karen fan aluer, hembadon u ungoov yoron ayolave yo. Nahan yange se mba Karen kwaghshon nahan yo, se kpa iyohough pande se kpishi shi mbayev kpa kaa er guda vea yaan sha ukitchen mba ungoov vev. Nahan Mrs. Tersoo Abenga yo se hira ver un sha pe kiren akondo.

LAUNDRY U FOUNDATION.

Ijiir ne ka Mama Ingyor Ahwa man Atese Nguwasen Igbana kua Mrs. Seember Abenga ve eren tom heregh ye. Kasev mban mba a gbashima man ishimataver kpishi. Se zua a Automatic washing machine sha iwasen i Mbaitsooghve ngu sha ikyev yase hegen Mase shin u maan iyough wan Mngerem ker man un a hii tom.

SECURITY

Mbatomov heen ka Terkuma Ashia man Samuel Mee. Ior mban ne cii ka tugh tseegh ve yaren ye. Se fatyo yo, ma se seer ior ken vegher ne kpa a sha u yaren atetan.

ACCOUNT U FOUNDATION

Or u hemen heen ka Mrs. Doreen Masewanger Kaso. Ort. Samuel Mson Ende Auditor man Mrs. Hembafan Torough ka Cashier. Ve kpa mba eren tom ve sha gbashima je. Audit Department va sember eren se audit kpa kaa er se, se seer ityakerada I eren tom ami ga yo account balancing un a lu se ican. Kpa mye u nyar yo, ve tese se ga,

Salary u mbatomov kpa se nongo se kimbi kighir August 2023 kpa ka sa ican kpishi je.

Salary u Mbatomov u ken jime u iwer puekarinyiin (14months arrears) la kpa shi se pande se kimbi mbatomov je kuma hegen er 9 nahan se bee, shi se pande ior mbagen kpa se na ve ankwagh er se hii u ngohol yua I kilimishi u 2021 ne. Shi iorov 13. Vievie u Account yo ne ungwa sha zwa u Accountant.

STORES

Heen ka Mr. Samuel Iorbee a nengen shami ye. Ngu a shima I tseen kpishi sha tom na. Tom u hen ijiir ne ka u chuku ga, doo u ma se seer or ken store sha er nan a wasen shi nan a henen tom shon yo.

Ken inyom 2023 ne, se kera fatyo u zuan a kwagh sha ikyev i ior mba van ken inya kpishi ga sha ci u kwagh u cashless policy man fuel subsidy ne va na se anzughul hen ijiir yase ne kpishi. Shi ior mba yange Director a zende sha ve, ve se zua a kwagh la kpa mtaver mba se tee sha ne na yo kwagh kera nyor tsembelee ga nahan ican na se kpishi. Kpa se wuese Aondo sha er A per se ken inyom ne yo.

Shin er mbamtaver mban ve lu nahan kpa ior mban nahan tile a vese heregh u suen se, ve yo asav asav yo ka;-

-Mr. Isaac Tyohuma,

-Orvesen Hon. Anande Hiim for feeding

-Former P S Government House Administration Mr. Iangba Kapu

-BAA76

-Mrs. Yaji WOYEC Scholarship

-Mrs. Pricilla Ikparen Scholarship

-Mr. & Mrs. Washima Muhamed Gwa Feeding

-NKST Bristow Sec. Sch. Gboko

NKST Students GSS Gboko

-Sen. B A I Gemade Ph.D

SGF. Sen. Dr. George Akume

His Excellency Rev.fr. Alia, Ph.D through SEMA.

NKST Mbaitoughve (Ngo u Ancholov u Igbekeke)

Ior mbagen kpaa nongo va sor se.

Ken u yua mban yo, mba kpishi mba ior ve hemban van ami ka I hamba lun Indomie, biscuit, sweets, Bobo shin kwaghman u mbayev man Tissue paper, chahur, Omo, mkurem ma shien, ichigh ki kiren zwa. Mbagen di yo ka ve er kwaghyan ve va ya vea mbayev sha ayange a mar ve. Ve shi mbagen ka ve na se nyaregh ye. Vievie yo ne va ungwa sha zwa u store officer.

TOM WASE HEN NYOM NE

Hii ken October 2022 zan zan September 2023 ne, Ter na se ikyor laghen u fantyo eren akaa ne nahan sha ci u mzehehen u tom hen ijiir yase ne.

- Se er ityoor ivo se kase net se har ivo yase ker
- Se sor iyough se maa ukpaa ker se hide a angyoov asev hen ijiir tom yase ne.
- Se yua akpa u yangen mngerem senen hen tembe ya wase ne.
- Se sor kitchen hen ya u Director se wa kitcen cabinet ker shi se paint ker cii.
- Mbayev asev er batisima unyiin
- Se yam mbayev mbaajo (Bom) utar (3) mbakuwan sha ci u Mbayev.
- Se too abum, iyou, shi se pande ivo yase se tee se kimbi salary.
- Se kaha sule u yoo kuma akundu ataan, shi se er soyabeans kpaa.
- Se maa classroom block la se bee, se har akaa a teman ker cii mba nyoron makeranta ker hegen.
- Mbayev asev nyor secondary school nyiom ne unyiin sha scholarship u NKST
- Tom church kpaa ngu zan hemen her.
- Yange inyar vihi se usu man akaa a gen kpa se sor.
- Boreholes asev yange hia kpa se sor.

KWAGH U DIACONAL MINISTRY

Nyom I 2022 la November, se va a kwagh u gbartom ne ken sinodi kpa kwagoron due shami tsembelee ga. Ka nahan hen shie ne yo, msoo u toon ian man pasen Sinodi kwagh u gbartom ne afa man shi a ker gbenda u a er ve se zahemem a tom ne yo. Ne a rumun yo, wa nen ishima a mo.

Ken Aerenakaa 6:1-7 la tese mhii u ministry ne. Gbaatom ne va bee a ahon agban man mlyam ma kasevmbachoghlov ken Nongo u Kristu. Ivur u sha 7 la kure nahan er mer tom ne na yo, kwaghoron u Aondo seer u zan hemen, ingeghe ki mbahenen kpaa seer ken Yerusalem kpishi; zanzan je yo, Upristi kpishi kpaa lu wan jigh jigh u

nan (sha ministry) la ikyo. Tese er tom ne ka tom u wasen msamber u ivangeri kpishi. Man se hen ser, ka awashima u Sinodi je man Msamber u ivangeri ye.

Gbartom ne yange lu sha tseeneke na, hii shie u late Rev. P.K. Luga la je shi Rev. M S. Gaba kpa va er tom hen ijiir ne. ka sha i an i mbee tom u Rev. Gaba ne kpa a yange zege mkohol ne hide a gbaatom ne wa sha ikyev i NKST Foundation ye. Se yo se nenge ser, ka Jijingi je man hemen zege mkohol ne u maghen ministry ne vea Anchoghlov ye, gadia ken Yakubu 1:27 la kpa tese er Bibilo kpa magh ve er mcier u Aondo u lun a achoghul iyol shio yo, ka u za soron Anchoghlov kua Kasevmbachoghlov ken ican ve... nahan uzuan ve imongo ka kwagh u vough. Nahan ka ainja u Sinodi wase eren hanma kwagh u a fatyo cii u kenden a gbaatom ne sha shi wan un nyatine ka nahan man una seer eren ishima i Aondo kpa a ye.

Ken inyom i 2021/2022 i NKST i bee la, Director ningir sha shi yila ahuraio sha u suen ijiir tom ne man ior mbera kpa a sue sha u nan se ikyav man er kwaghyan kpa nyor kpishi seer sha u kelase mba unyiin mban yo, nahan se kaa ser se kar iyol sha gbartom ne. Gbenda u se kariyol shami yo, ka nahan:-

Se na Mbaatase mbachoghlov mba kuman er 25 nahan hanmo ve cii iba chinka 1, koton u bisikii1, koton u chahul 1, koton u indomie1 man konton u omo1.

Se hira na uter asev mbamemtom (Pastor) 5 hanmo, iba kyuleke1, koton Indomie1, kpor1, koton u bisikii1 man akaa agen.

Se sor kasevmbachoghlov sha Iniongo I Kristu mba ve register a vese hen shie la yo a ikyav kpishi. A lu u gema ken inyar yo, ki ahemba N4.M.

Hen shie la lu iniongo i Kristu ne nahan:- Gazor, Mchia,Anyiin, Gonduzua, Agee Utange man Gbagir.

Se sor kasevmbacholov sha inongo i Kristu ken inyom I 2022/2023 ne nahan: - Tyogbihin Dogo, Chembe, Mou man Jovkyudan.

Ka Iniongo i Kristu i register a vese tsegh se eren kwagh a ve ye. Rigistration hegen ka N30, 000 sha hanma Nongo u Kristu.

Se wase Alegh a Iniongo i Kristu i tyav mbi num ve kpa a sha kwaghyan man akaa agen kpa a.

Kwagh ne va a msaaniyol hen Upastor mbamementom man Mbaatase mba noov vev ve saa ku ne kua Kasevmbacholov sha iniongo i kristu kua alegh a se bende a ve ne kpishi. Mbagenev nger anger washika sha u nan iwuese man ishughun kpishi sha er NKST a umbur ve ken mbamtaver vev yo. Er kwagh ne adoo ior asev mban man

iwuese i lu shami kpishi yo doo u man se zahemen a kwagh ne, ministry ne man i zahemen. Ka ishima veren i Management man Board je ne.

UZAIYOL

- Ortom wase Mrs. Ingyor Ahwa wan na u nomso saa ku i ii 14/10/23
- Auditor wase Ort. Samuel Mson Ende kpa Anngo na u vesen saa ku i ii 7/10/23
- Iyo ngi zan se iyol kpishi kpa sha iwasen I Aondo yo ngi a nyima wanye ga.
- Iniongo I Kristu kpishi ngi fantyo u nan se kwaghyan u i we ve u nan se la ga
- Mban u nyaregh
- Atica yina se hen makeranta wase ne.
- Hostels kera doo ga.
- Microscope ngu sha iyoughci yase ga.
- Ijiir yase I kilen kwagh la kera kuma ga.
- Se mba a fatyo u registering vea Fedral Government ga.
- Security kuma se ga.

MBAAWASHIMA

Se washima u hiin Secondary School ken Sept.2024

Se washima u hiin tom Fence er State Government ve kaa nahan.

AKAA A DOO U SINODI AKAA IMO I TER SHAMI YO

1. Ter wase Sinodi ma seer se uklese mba nan se kwaghyan.
2. Sinodi ma a shir a shima ma a er se gbenda u shi se zahen a Fence wase ne. Government kaa er se maa fese.
3. Sinodi un a rumun yo ma a we Diaconal Ministry ne inyatine er una zahemen yo.
4. Nyaregh ki kuman u kimbin salary u mbatomov ga, man running cost je yo ka u teren ga. Sinodi a ker gbenda.
5. Sinodi ma nenge sha kwagh u salary arrears man ki pension u mbatomov ki ki shi ken ijime la. Mlyam nger hegen kpishi.

Orngeren

Rev. T T Nongo

Director

